

Ministarstvo za poljoprivredu, šumarstvo i vodoprivredu Zeničko-dobojskog kantona, na osnovu člana 124. Zakona o vodama („Službene novine Federacije Bosne i Hercegovine“, broj: 70/06) i Pravilnika o sadržaju, obliku, uvjetima, načinu izdavanja i čuvanja vodnih akata („Službene novine Federacije Bosne i Hercegovine“, broj: 31/15, 55/19 i 41/20), daje slijedeće:

O B A V J E Š T E N J E

o podnesenom zahtjevu za izdavanje prethodne vodne saglasnosti

„Adriatic Metals Easter Mining“ d.o.o. Vareš, podnio je ovom Ministarstvu zahtjev za izdavanje prethodne vodne saglasnosti za korištenje vode i ispuštanje sanitarno-fekalnih voda sa lokaliteta Rupice-Juraševac-Brestić, koje se nalazi na katastarskoj općini Borovica, općina Vareš, cca 1,5 km od mjesta Borovica Gornja, za djelatnost podzemne eksploatacije ležišta kompleksne rude olova, cinka i barita.

U dostavljenoj Studiji za izdavanje prethodne vodne saglasnosti, urađenoj od strane „Rudarski institut“ d.d. Tuzla, nastale sanitarno-fekalne vode iz sanitarnih prostora poslovnog objekta prečišćavaju se u SBR uređaju za prečišćavanje otpadnih voda i preko okna za monitoring ispuštaju u Vrući potok, čiji je smjer oticanja sjever i koji je lijeva pritoka rijeke Trstionice što znači da oticanje sa eksploatacionog polja „Rupice“ završava preko Vrućeg potoka u rijeci Trstionici nizvodno od vodozahvata na rijeci Bukovici, a na ostalim lokacijama prostora za eksploataciju investitor će u skladu sa brojem uposlenika na datim lokalitetima zbrinjavanje sanitarno-fekalnih voda riješiti eko WC-ima, za čije pražnjenje i čišćenje će potpisati ugovor sa ovlaštenim preduzećem.

Sva zainteresirana lica svoje eventualne primjedbe, prijedloge i sugestije na planiranu aktivnost, mogu dostaviti u roku **od pet dana od dana objavljivanja**, usmeno na zapisnik u prostorijama ovog Ministarstva ili dostaviti u pisanoj formi neposredno na protokol ili putem pošte na adresu: Ministarstvo za poljoprivredu, šumarstvo i vodoprivredu Zeničko-dobojskog kantona, Kučukovići broj 2., 72 000 Zenica.